



Broj: 02-04-1162/25-AP-3
Datum: 29.05.2025. godine

Primljeno: 29-05-2025			
Org. jed.	Kl. ozn.	Red. broj	Br. priloga
01	04	973/25	

GRADSKO VIJEĆE ZAVIDOVIĆI
n/r PREDSEDavajućoj GRADSKOG VIJEĆA
Hadžić dr Amira, spec. radiolog

PREDMET: Odgovori na vijećnička pitanja sa 6. sjednice Gradskog
vijeća Zavidovići održane 30.04.2025. godine, dostavljaju se

Povodom vijećničkih pitanja postavljenih na 6. sjednice Gradskog vijeća Zavidovići održanoj 30.04.2025. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA BAJRE JAVRIĆA

Vijećnik Bajro Javrić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavijam sljedeće vijećničko pitanje: „Kada će se izvršiti zamjena rasvjetnih tijela u naseljenom mjestu Dolac, a koja nisu u funkciji već nekoliko mjeseci?“

Direktno pitanje: „Kada nadležna služba može pokrenuti aktivnosti na zamjeni cca 60 rasvjetnih tijela u naseljenom mjestu Dolac?“

Obrazloženje: Malobrojni mještani naseljenog mjesta Dolac su prije nešto više od godinu dana dobili funkcionalnu uličnu rasvjetu koja se prostire u dužini od cca 4 kilometra kroz naseljeno mjesto i sa preko 100 rasvjetnih tijela. U periodu od 15 mjeseci skoro pola rasvjetnih tijela nije više u funkciji a mještani ovog naselja nisu u mogućnosti obezbijediti finansijska sredstva za njihovu zamjenu. Savjet MZ Dolac, također zbog jako malih prihoda po osnovu redovnih sredstava koja se uplaćuju od strane Općine, nije u mogućnosti finansirati ovako veliki finansijski poduhvat na zamjeni velikog broja rasvjetnih tijela.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-22/25-AP-78 od 22.05.2025. godine): Projekat izgradnje rasvjete u naseljenom mjestu Dolac je finansiralo Federalno ministarstvo raseljenih osoba i izbjeglica te je isto raspisivalo i javnu nabavku radova i odabir najpovoljnijeg izvođača.

Nakon okončanja projekta i puštanja u rad javne rasvjete, Grad Zavidovići je kao i u svim drugim vanurbanim mjesnim područjima preuzeo obavezu plaćanja mjesečne potrošnje električne energije te nadzor i održavanje mjernih mjesta na kojima se nalazi instaliran sanduk sa osiguračima i tajmerom za paljenje i gašenje javne rasvjete.

Ostali dio javne rasvjete u vanurbanom području Grada Zavidovići u smislu održavanja napojnih kablova i svjetiljki sa sijalicama, a nakon prestanka trajanja garantnog roka, pada na teret korisnika te javne rasvjete.

Taj dio održavanja javne rasvjete je u nadležnosti savjeta mjesnih zajednica i oni su nadležni da putem člana savjeta mjesne zajednice iz određene mjesne podružnice u istoj organiziraju i aktivnost na otklanjanju nastalih kvarova na način da isti sa mještanima svoje mjesne podružnice dogovore način i modalitete što efikasnijeg održavanja rasvjete u funkciji.

Što se tiče stvaranja uvjeta da se kompletno održavanje javne rasvjete izvan urbanog područja povjeri određenim privrednim društvima kroz postupak provođenja javne nabavke, ostaje da se u narednom periodu kroz razgovore sa savjetima mjesnih zajednica te samim građanima na tim područjima, pokuša iznaći najoptimalniji način održavanja javne rasvjete i Gradska uprava će sigurno u narednom periodu raditi na iznalaženju trajnog rješenja ove problematike.

2. VIJEĆNIČKO PITANJE VIJEĆNIKA ANESA KARAJBIĆA

Vijećnik Anes Karajbić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: „Tražim od nadležne službe da nam dostavi informacije i podatke o kretanju stanovništva Grada Zavidovići od 2022. godine pa sve do danas.“

Direktno pitanje: „Tražim od nadležne službe da nam dostavi podatke o broju rođenih, umrlih i broju stanovnika koje se iselilo sa područja općine Zavidovići. Podatke je potrebno dostaviti počev od 2022. godine. Tražene podatke je potrebno dostaviti u ukupnom iznosu kao i po matičnim uredima. Odgovor na ovo pitanje treba da sadrži sljedeće informacije: godina, natalitet, mortalitet, iseljeno stanovništvo, matični ured i ukupno.“

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S postovanjem,

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-18/25-AP-97 od 21 .05.2025. godine): Kada je riječ o dostavljanju podatka o broju lica koja su se iselile sa područja Grada Zavidovići, obavještavamo Vas da ova Služba ne raspolaže istima (ne vodi evidenciju o iseljenim licima).

Evidenciju podataka o prebivalištu / boravištu / kretanju građana vodi nadležno Ministarstvo unutrašnjih poslova. Prilikom upisa u matične knjige, upisuju se i podaci o prebivalištu građana na osnovu uvjerenja / obavijesti o prebivalištu (PBA obrasci) izdatog od nadležnog Ministarstva (Policijske stanice - Odsjek za administraciju), a podaci o promjeni (odjavi) prebivališta se ne dostavljaju Matičnim uredima.

Što se tiče podataka o broju rođenih i umrlih lica upisanih u matične knjige Grada Zavidovići u period od 2022. godine pa nadalje, dostavljamo Vam tražene podatke, razvrstane po godinama i Matičnim uredima:

Matična knjiga rođenih :

MU Zavidovići

<u>2022. godina</u>	<u>2023. godina</u>	<u>2024. godina</u>	<u>2025. godina</u>
190	212	214	85

MU Kovači

<u>2022. godina</u>	<u>2023. godina</u>	<u>2024. godina</u>	<u>2025. godina</u>
79	91	84	19

MU Hajderovići			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
53	56	45	19
MU Gostović			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
89	98	104	34
MU Vozuća			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
33	18	32	4
UKUPNO: UPIS U MKR-ih od 2022. godine do 20.05.2025. godine: 1559			

Matična knjiga umrlih:

MU Zavidovići			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
195	149	191	81
MU Kovači			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
58	46	41	22
MU Hajderovići			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
40	43	46	12
MU Gostović			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
66	52	76	20
MU Vozuća			
<u>2022. godina</u>	<u>2023. godina</u>	<u>2024. godina</u>	<u>2025. godina</u>
37	44	34	14
UKUPNO: UPIS U MKU-ih od 2022. godine do 20.05.2025. godine:1267			

3. VIJEĆNIČKO PITANJE VIJEĆNICE INDIRE PAŠIĆ

Vijećnica Indira Pašić: Poštovana predsjedavajuća, sekretare, uvažene kolege vijećnici, pomoćnici gradonačelnice i ostali prisutni, te građani koji nas pratite putem medija, sve vas srdačno selamim i pozdravljam.

Ja danas koristim poslovničku mogućnost i postavljam jedno pitanje s obzirom da sam zamoljena od mještana da isto pitanje postavim.

Pitanje je upućeno Službi za upravu privrede, lokalni razvoj, infrastrukturu i međunarodnu saradnju, a glasi: „Prosele godine, 2024. raspisana je javna nabavka radova na izgradnji mosta u naseljenom mjestu Maoča, izgradnja mosta u naseljenom mjestu Hadžići-Stog i izgradnja mosta u naseljenom mjestu Kučice. Shodno tome, nakon okončane procedure zaključeni su i ugovori sa najpovoljnijim izvođačima, međutim kako mi je rečeno do dana današnjeg nije se pristupilo izvođenju radova, odnosno gradnji mostova. Pitanje je, zašto se ne radi, da li teku rokovi izvođaču radova i da li se zna kada će početi sa radovima?“

Odgovor molim u pisanom obliku.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-257/25 od 26.05.2025. godine): Most Maoča - proveden je postupak javne nabavke radova za izradnju mosta, te je sa preduzećem „Porobić“ d.o.o. Zavidovići kao najpovoljnijim ponuđačem sklopljen ugovor o izvođenju radova. Za predmetni most provedena je javna nabavka za vršenje usluge dnevnog stručnog nadzora nad izvođenjem radova. Po dostavljanju Ugovora između Grada Zavidovići i nadzornog organa našoj službi, u narednih desetak dana pristupit će se uvođenju Izvođača radova u posao.

Most Kućice - Izvođač radova je uveden u posao. Radovi se nisu izvodili zbog nepovoljnih vremenskih uslova, ali obzirom da su se vremenske prilike ustabile očekujemo nastavak i završetak radova, u skladu s ugovorenim rokovima.

Odgovor koji se odnosi na pitanje za most Hadžići – Stog bit će dostavljen na narednoj sjednici Gradskog vijeća.

4. VIJEĆNIČKO PITANJE VIJEĆNIKA ŠEMSUDINA SKEJIĆA

Vijećnik Šemsudin Skejić: Na osnovu člana 87. i člana 116. Poslovnika o radu Gradskog vijeća (novi prečišćeni tekst)

Sl.glasnik broj 7/2022 postavljam sljedeće vijećničko pitanje: „Da li nadležna služba provodi aktivnosti u cilju realizacije projekta Kružni tok Krivaja? Ukoliko je odgovor negativan, tražim obrazloženje zašto, a ako je odgovor pozitivan tražim da Gradskom vijeću podnesete izvještaj šta je do sada urađeno i kakvi su dalji planovi za realizaciju ovog za Grad vrlo bitnog projekta.“

Obrazloženje:

Gradsko vijeće je u prethodnom sazivu na sjednici održanoj 31.07.2024. godine donijelo Zaključak broj: 01-04-1518/24-AP-5 i na taj način uz pomoć Ministarstva za prostorno uređenje, promet i komunikacije i zaštitu okoliša omogućilo nesmetan nastavak aktivnosti oko realizacije kružnog toka Krivaja. Poučen iskustvom da su u periodu 2021-2024. godine Gradonačelnik i nadležna služba (pomoćnik) opstruirali rješavanje nagomilanih problema u oblasti urbanizma Grada 26.08.2024. godine postavio sam vijećničko pitanje na temu Kružni tok Krivaja. Odgovor sam dobio ekspresno 30.08.2024. godine i pozitivno se iznenadio. Zašto? Citirat ću upit nadležne službe upućen Zavodu za urbanizam i prostorno uređenje ZDK kao i odgovor zavoda. Kako upit tako i odgovor usko su vezani Zaključkom Gradskog vijeća broj: 01-04-1518/24-AP-5 od 31.07.2024.godine.

UPIT službe Zavodu za urbanizam:

Podneskom ove službe broj: 06-45-16/24-AP-19 od 05.07.2024.godine u smislu člana 188. stav 1. Zakona o prostornom uređenju i građenju („Službene novine ZDK“ broj 17/23) od Kantonalnog zavoda za urbanizam i prostorno uređenje zatraženo je davanje stručne ocjene o realizaciji projekta KRUŽNI TOK KRIVAJA.

Navodim i odgovor Zavoda na upit:

Po navedenom podnesku Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024.godine (zaprimljen u službi dana 29.08.2024.godine) obavijestio istu službu da se može pristupiti realizaciji projekta KRUŽNI TOK KRIVAJA, a da će Regulacioni plan ovog područja kada se steknu uslovi zbog izrade i donošenja URBANISTIČKOG PLANA GRADA ZAVIDOVIĆI biti u skladu sa glavnim projektom KRUŽNI TOK KRIVAJA odnosno sa izvedenim stanjem.

Obzirom da je od stvaranja uslova za realizaciju ovog projekta proteklo 10 mjeseci, a ja sam siguran da se ne radi ništa, pitam Gradonačelnicu da li zna za ove informacije. Da li zna da je

Regulacioni plan Luke koji je bio preduslov za izradu Kružnog toka raden od 2018. do 2024. godine ali pogrešno. Ako budemo čekali da se završi Urbanistički plan, onda ćemo se načekati kružnog toka. Dobili ste odobrenje da ne morate čekati usvajanje Urbanističkog plana ni Regulacionog plana Luke.

Uvažena Gradonačelnice dobronamjerno Vas upozoravam. Trebat će Vam najmanje još jedan mandat da biste sadašnjim tempom aktivnosti u oblasti urbanizma uradili Urbanistički plan, Regulacioni plan Luke i riješili Kružni tok. Primjer kružnog toka to potvrđuje. Aktivirajte svoje saradnike i demantujte me.

Unaprijed Vas obavještavam pripremajte odgovor na pitanje Šta je od 06.08.2024. do 01.06.2025.godine urađeno po pitanju izrade Urbanističkog plana.

Prilog: 1. Vijećničko pitanje br.1 Šemsudina Skejića od 26.08.2024. godine.

2. Odgovor na vijećničko pitanje br.1 i br.2, Službe za upravu geodetskih, imovinsko-pravnih poslova i urbanizma broj: 06-45-16/24-AP-31 od 30.08.2024. godine.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-257/25 od 26.05.2025. godine): Grad Zavidovići je putem Službe za upravu privrede, lokalni razvoj, infrastrukturu i međunarodnu saradnju, do sada proveo niz aktivnosti koje se odnose na izgradnju raskrsnice sa kružnim tokom saobraćaja u Zavidovićima, tačnije na lokaciji u ulici „dr. Pinkasa Bandta“, gdje se ukrštaju magistralna cesta M17.1. i regionalna cesta R-465 Zavidovići - Maglaj, i krak ulice „dr. Pinkasa Bandta“.

Pokrenute aktivnosti prema JP Ceste FBiH d.o.o. Sarajevo, ogledaju se u sljedećem:

1. Zahtjev, broj:02-45-3/24-AP-135 od dana 26.12.2024. godine za uvrštavanjem u Plan rekonstrukcije i modernizacije magistralnih cesta u FBiH za 2025. godinu,

2. Dopuna zahtjeva, broj: 02-45-3/24-AP-135 od dana 20.02.2025. godine, sa brojem saobraćajnih nezgoda u ulici „dr. Pinkasa Bandta“ koje je dostavljeno od PS Zavidovići,

3. Dostavljanje dokumentacije na postupanje, broj: 02-45-3/24-AP-135, od dana 14.03.2025. godine, gdje je izuzeta dokumentacija od Kantonalne direkcija cesta ZDK, i predata na postupanje JP Ceste Federacije BiH d.o.o. Sarajevo.

(Navedeni akti nalaze se u prilogu odgovora)

Također, Grad Zavidovići razmatra mogućnost uključivanja u postupak rješavanja imovinskopravnih odnosa kako bi se ubrzao postupak eksproprijacije i cjelokupne procedure.

Pored naprijed navedenih aktivnosti Gradonačelnica je u proteklom periodu obavila niz konsultacija i sastanaka sa predstavnicima JP Cesta FBiH d.o.o. Sarajevo, kako bi se poboljšali uslovi i bezbjednost odvijanja saobraćaja na kompletnoj dionici magistralnog puta M17.1. koji prolazi kroz Grad Zavidoviće.

5. VIJEĆNIČKA PITANJA VIJEĆNIKA AJDINA POLIĆA

1. Vijećnik Ajdin Polić: U skladu sa članom 8., 87., Poslovnika o radu Općinskog vijeća Zavidovići, postavljam vijećničko pitanje:

„Da li je Gradska uprava obavijestila nadležno Ministarstvo o potrebi čišćenja korita rijeke Gostović na lokaciji kod mosta na drugom kilometru i na lokaciji Ornice u Sinanovićima?“

Obzirom da je sa posljednjim vodostajima uočeno da nivo vode prijeti okolnim objektima, potrebno je obavijestiti nadležno Ministarstvo da se pokrenu procedure na čišćenju korita kako bi se izvršile preventivne mjere zaštite ljudi i imovine.

Pitanje uputiti nadležnoj gradskoj službi i nadležnom Ministarstvu.

Odgovor zahtijevam pisanim putem od nadležne službe.

Odgovor na prvo vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-21-112/25 od 28.05.2025. godine): Služba za upravu civilne zaštite nije obavještavala Ministarstva vezano za potrebe čišćenja korita rijeke Gostović na lokacijij kod mosta na drugom kilometru i na lokaciji Ornice u Sinanovićima. Obzirom na Zakonske propise koji regulišu oblast vezano za navedeno pitanje smatramo da nisu stvoreni uslovi da se ide u pravcu upućivanja obavijesti nadležnom Ministarstvu.

2. Vijećnik Ajdin Polić: Poštovani,

U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Da li se u zgradi gradskog organa uprave vrši redovna protivpožarna zaštita, redovni pregledi PP aparata i opreme?

Primjećeno je da su PP aparati u zgradi gradskog organa uprave zastarjeli, te da je na njima evidentiran zadnji pregled tokom 2017. godine, da su hidranti nekompletni i neupotrebljivi. U cilju sprječavanja nastanka ljudskih žrtava, postavljam pitanjem sa ciljem podsticanja odgovornog lica za protivpožarnu zaštitu da djeluje u skladu sa zakonskim propisima.

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.

Odgovor na drugo vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-21-112/25 od 28.05.2025. godine): Služba za upravu civilne zaštite izvršila je pregled aparata za gašenje početnog požara u zgradi gradskog organa uprave i konstatovala da je vaše pitanje i konstatacija na mjestu i shodno tome uputila prijedlog da se izvrši nabavka novih savremenijih aparata za gašenje početnog požara (pod stalnim je pritiskom koji se nakon upotrebe može ponovo puniti, gdje je pritisak na aparatu vidljiv na manometru koji se nalazi na ventilu. Aparati posjeduju certifikate u skladu sa standardom EN 3-7+A1:2008, EN 3-8:2007, EN 3-10:2010. Svi aparati posjeduju CE i ISO 9001:2009 certifikate.) u skladu sa Pravilnikom o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja („Službene novine FBiH“, broj 46/11).

3. Vijećnik Ajdin Polić: Poštovani,

U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Kada se planira nastavak radova na vodovodu u Bajvatima?

Obzirom da je vodovod u Bajvatima nedovršen te da su obezbijedena potrebna sredstva za nastavak radova, kada mještani mogu očekivati nastavak radova i okončanje projekta?

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.

Odgovor na treće vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-257/25 od 26.05.2025. godine): Grad Zavidovići i preduzeće GP „Heldovac“ d.o.o. zaključili su ugovor o izvođenju radova na vodovodu za naselja Bajvati, Beše i Žioke sa priključkom na gradski vodovod u Davulijama. Navedenim ugovorom obuhvaćeni su radovi na izgradnji gravitacionog cjevovoda od priključne šahte u Davulijama do pumpne stanice, dužina trase 1470 metara. Početak izvođenja radova planiran je za kraj mjeseca maja, a radovi bi se trebali okončati u roku od 60 dana. Ostali radovi kao što je izgradnja potisnog voda od pumpne stanice do rezervoara, izgradnja sekundarne mreže sa rasteretnim komorama i priključnim

šahrovima zavisit će raspoloživih sredstava sredstava po osnovu vodnih naknada koje Grad Zavidovići ostvaruje od Zeničko-dobojskog kantona. Intenzivnije radove očekujemo da ćemo moći ostvariti tokom 2026. i 2027. godine.

4. Vijećnik Ajdin Polić: Imam nekoliko dopunskih pitanja. Koji se konkretno uslovi nisu stekli za donošenje privremenog rješenja? Drugo, ako već sredstva u Budžetu za 2025. godinu nisu izdvojena zašto se ne traži izdvajanje sredstava kroz raspodjelu za „...“ o čemu se radi, radi se o kući za koju sam ja prije nekoliko mjeseci poslao dopis da se hitno reaguje i nekako svi su odmakli ruke od toga. Kuća je skoro upala na cestu, prijeti opanost po život mještana i prolaznika. Ja sam danas telefonski razgovarao sa predstavnikom mještana, i oni su rekla da je sljedeća stvar koja će se desiti jeste da će oni blokirati put, da će pozvati medije „...“ oni traže da se to riješi, da im kažete ako ne može da se iscrpe sve mogućnosti pa da se onda na kraju zna da se stvarno ne može.

Odgovor na vijećničko pitanje sa 3. sjednice Gradskog vijeća i dopunsko vijećničko pitanje sa 5. sjednice Gradskog vijeća dostavljen vam je aktom Službe za upravu geodetskih, imovinskopравnih poslova i urbanizam, broj: 06-45-20/25-AP-27 od 16.04.2025. godine:

Odgovor na dopunsko vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, broj: 06-45-20/25-AP-27 od 16.04.2025. godine): Zakon o prostornom uređenju i građenju („Službene novine Zeničkodobojskog kantona“, broj: 17/23) propisuje postupak izdavanja odobrenja za uklanjanje, kako po zahtjevu vlasnika građevine tako i uklanjanje građevine zbog fizičke dotrajalosti ili oštećenja. Nadležna služba za donošenje gore navedenog rješenja u ovom slučaju ne može postupiti jer se nisu stekli uslovi za donošenje predmetnog rješenja. Sredstva planirana budžetom Grada Zavidovići nisu dovoljna za rješavanje, jer bi se u konkretnom slučaju primijenile odredbe Zakona o upravnom postupku koje se odnose na prinudno izvršenje rješenja. Potrebno je istaći da se radi o privatnoj imovini i nastojace se riješiti ovaj problem na način kojim se neće kršiti odredbe zakona o pravu na posjed, korištenje i raspolaganje istom.

6. VIJEĆNIČKO PITANJE VIJEĆNIKA AMIRA TURSIĆA

Vijećnik Amir Tursić: Lokalni ekološki akcioni plan Općine Zavidovići (LEAP) za period 2012-2017. godine, usvojen je u aprilu 2012. godine - dakle, prije tačno 13 godina. Njegova primjena istekla je sa krajem 2017. godine. Stanje okoliša i identifikovani problemi, vizija lokalne zajednice, monitoring, koncepti projektnih prijedloga u sektoru voda, u sektorima tla i otpada, atmosfere i energije, biološke raznolikosti i kulturno-povijesne baštine - te neke od ključnih oblasti iz LEAP-a s kojima dodirne tačke imamo i u aktuelnim temama. Osam godina unazad tim temama se bavimo ad hoc - osam godina je prošlo od isteka planskog dokumenta iz te oblasti kojim se sistemski uređuju navedena pitanja. Osim toga, Lokalni ekološki akcioni plan je dokument na koji bismo se trebali pozivati prilikom prijave projektnih aplikacija za dodjelu grant sredstava, npr. kod javnih konkursa Fonda za zaštitu okoliša Federacije Bosne i Hercegovine. Usklađenost sa planskim dokumentima u pravilu donosi određene bodove prilikom evaluacije projektnih prijava. Zanima me, zašto nemamo važeći Lokalni ekološki akcioni plan već punih osam godina, da li su se u tom periodu provodile ikakve aktivnosti na izradi novog plana i kad možemo očekivati pristupanje izradi i usvajanje novog plana?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-257/25 od

26.05.2025. godine): U vezi sa vijećničkim pitanjem koje se odnosi na izradu novog Lokalnog ekološkog akcionog plana (LEAP) za Grad Zavidovići, te razlozima zbog kojih ista nije realizovana nakon isteka prethodnog LEAP-a iz 2017. godine, dajemo sljedeće obrazloženje:

1. Normativni i strateški okvir

Izmjenom zakonodavnog i strateškog okvira u Federaciji Bosne i Hercegovine, naročito donošenjem Zakona o razvojnom planiranju i upravljanju razvojem u Federaciji BiH („Službene novine FBiH“, broj: 32/17), pristup razvoju lokalnih zajednica bitno je izmijenjen.

- LEAP nije definiran kao obavezan planski dokument.
- Predviđena je izrada integrisanih razvojnih dokumenata.
- Lokalnim zajednicama omogućeno je objedinjavanje sektorskih politika u okviru sveobuhvatnih razvojnih dokumenata.

2. Izrada SECAP-a umjesto LEAP-a

Grad Zavidovići je pristupio izradi Akcionog plana održivog upravljanja energijom i prilagođavanja klimatskim promjenama (SECAP).

- SECAP obuhvata pitanja zaštite okoliša, energetske efikasnosti i klimatskih promjena.
- Dokument je u skladu sa međunarodnim sporazumima kao što su Pariški sporazum, Zelena agenda za Zapadni Balkan i EU Green Deal.
- Dokument doprinosi ostvarenju Ciljeva održivog razvoja (Agenda 2030).

3. Odnos prema strateškim dokumentima višeg nivoa – slučaj KEAP ZDK

- KEAP ZDK je izrađen kao sektorski dokument na nivou Kantona, ali nije obavezan lokalnim zajednicama.
- Donošenje KEAP-a od strane Kantona ne stvara pravnu obavezu gradovima i općinama da izrađuju nove LEAP-ove.
- Grad Zavidovići je kroz SECAP odgovorio na sve relevantne potrebe u oblasti okoliša i klimatskih promjena.

4. Međunarodna obaveza i priznanje – Covenant of Mayors

Grad Zavidovići je član inicijative Covenant of Mayors for Climate and Energy.

- Grad se obavezao smanjiti emisiju stakleničkih gasova, povećati otpornost na klimatske promjene i unaprijediti održivu energiju.
- SECAP je objavljen na zvaničnom portalu Covenant of Mayors.
- Time je Grad Zavidovići priznat kao lokalna zajednica koja aktivno učestvuje u ostvarenju ciljeva Pariškog sporazuma i Evropskog zelenog plana.

5. Zaključak

Navedeno potvrđuje da Grad Zavidovići:

- nije prekršio zakonske obaveze,
- je izradio savremen dokument (SECAP) u skladu sa zakonodavnim i međunarodnim okvirima,
- aktivno doprinosi ciljevima održivog razvoja i energetske tranzicije.

Poređenje LEAP-a i SECAP-a

Kriterij	LEAP	SECAP
Fokus	Zaštita okoliša (otpad, voda, zrak, zemljište, biodiverzitet)	Zaštita okoliša + energija + klimatske promjene (mitigacija i adaptacija)
Tematska područja	Klasične oblasti ekologije	Energetska efikasnost, obnovljivi izvori, klimatska otpornost, zaštita okoliša
Normativna osnova	Inicijativa UNDP i domaće prakse 2000-ih; nije zakonska obaveza	Sporazum gradonačelnika za klimu i energiju (EU inicijativa), međunarodni klimatski sporazumi
Veza sa zakonodavstvom	Nije predviđen Zakonom o razvojnom planiranju FBiH	U skladu sa Zakonom o razvojnom planiranju; doprinosi ciljevima održivog razvoja (SDGs)
Ciljevi	Poboljšanje stanja okoliša	Smanjenje emisije CO ₂ , povećanje otpornosti na klimatske promjene, održivi razvoj
Pristup	Sektorski (odvojene ekološke teme)	Integrirani (povezivanje energije, klime i okoliša u jedinstvenu politiku)
Trajanje i obnova	Preporučeno ažuriranje svakih 5-7 godina	Praćenje i ažuriranje svakih 2-4 godine prema ciljevima smanjenja emisije
Relevantnost u 2020-ima	Djelimično – zastarjeli format	Visoka – usklađen sa EU Green Deal, Pariškim sporazumom i Zelena agenda za Zapadni Balkan

7. VIJEĆNIČKA PITANJA VIJEĆNIKA ASIMA DŽINDE

1. Vijećnik Asim Džindo: S obzirom da sam primjetio da svaku sjednicu ulazimo u raspravu po pitanju vremena, ja bih predložio da barem televizor iskoristite kao tajmer, eventualno neki ovdje da postavite, da svi vide koliko im je vremena ostalo.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1182/25-AP-3 od 26.05.2025. godine): Gradska uprava Grada Zavidovići je pokrenula postupak nabavke tajmera, te će se ovo pitanje riješiti do naredne sjednice Gradskog vijeća. Prijedlog smatramo veoma korisnim.

2. Vijećnik Asim Džindo: Ovako, postavio sam na 4. sjednici ukupno 13 pitanja, i nisam dobio odgovor na 2., 5., 6., 11. i 13. pitanje. Također, Služba za upravu geodetskih,

imovinskopравnih poslova i urbanizma, na svako pitanje odgovori : „Ovoj službi nije poznato da li su postojali navedeni zahtjevi", pa copy-paste. Pa ako ne mogu na ostala pitanja da pronađu odgovor neka mi u pisanoj formi dostave da na navedena pitanja ne mogu pronaći odgovor.

Odgovor na vijećnička pitanja sa 4. sjednice Gradskog vijeća i dopunska vijećnička pitanja sa 6. sjednice Gradskog vijeća dostavljena su vam aktom Službe za upravu geodetskih, imovinskopравnih poslova i urbanizam, broj: 06-45-20/25-AP-24 od 14.03.2025. godine:

2. Vijećnik Asim Džindo: Da li je Grad Zavidovići imao bilo kakvu ulogu u upravljanju, održavanju ili zaštiti ovih terena?

Odgovor na drugo vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, 06-45-20/25-AP-24 od 14.03.2025. godine): Ova Služba nije imala ulogu u upravljanju, održavanju ili zaštiti ovih terena.

5. Vijećnik Asim Džindo: Postoje li planovi za obnovu teniskih terena ili neku drugu sportsku ili javnu namjenu tog prostora?

Odgovor na peto vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, 06-45-20/25-AP-24 od 14.03.2025. godine): Ovoj Službi nije poznato da li su postojali navedeni planovi.

6. Vijećnik Asim Džindo: Ako je zemljište idalje privatno, da li Grad Zavidovići ima mehanizme za eventualno otkupljivanje ili vraćanje terena u funkciju sportskih aktivnosti?

Odgovor na šesto vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, broj: 06-45-20/25-AP-24 od 14.03.2025. godine): Zemljište je u vlasništvu Rukometnog kluba „Krivaja“, a namjena istog prostora određuje se planskim dokumentom.

13. Vijećnik Asim Džindo: Ako su teniski tereni uklonjeni bez odobrenja nadležnih institucija, da li će Grad Zavidovići pokrenuti postupke za utvrđivanje odgovornosti?

Odgovor na trinaesto vijećničko pitanje (Odgovor je sačinjen na osnovu akta Službe za upravu geodetskih, imovinskopравnih poslova i urbanizam, 06-45-20/25-AP-24 od 14.03.2025. godine): Služba za upravu geodetskih, imovinskopравnih poslova i urbanizma nije izdala rješenje za uklanjanje teniskih terena.

11. Vijećnik Asim Džindo: Da li je bilo pokušaja od strane Grada, sportskih saveza ili privatnih subjekata da se spriječi rušenje ili propadanje ovih terena?

Odgovor na jedanaesto dopunsko vijećničko pitanje sa 4. sjednice Gradskog vijeća (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-18/25-AP-96 od 20.05.2025. godine): Ova Služba zadržava stav koji je ranije dostavljen na vijećničko pitanje Asima Džinde u Gradskom vijeću Zavidovići sa 4. sjednice Gradskog vijeća u kome je navedeno da Grad Zavidovići nije vlasnik zemljišta na kome se nalaze teniski tereni, niti da je vlasnik samih teniskih terena i da je Grad Zavidovići redovno finansijski podržavao rad i funkcionisanje Teniskog kluba „Zavidovići“ po urednim i opravdanim zahtjevima do njegovog gašenja i brisanja iz registra udruženja, te da shodno

navedenom ova Služba smatra da Grad Zavidovići nije nadležan za rješavanje navedenog pitanja.

Također je navedeno da se o teniskim terenima brinuo teniski klub koji je imao članarinu iz koje se održavao i teniski teren, sponzori i slično, te je sugerisano da se za ostala pitanja možete obratiti onima koji su vodili i donijeli odluku o gašenju kluba i da će Grad Zavidovići kroz izradu prostorno-planske dokumentacije planirati lokaciju za teniske terene u vlasništvu grada.

8. VIJEĆNIČKO PITANJE VIJEĆNIKA ZAHIDA AVDIČEVIĆA

Vijećnik Zahid Avdičević: Mi smo na prošloj sjednici razmatrali tačku broj 5, jedno malo obrazloženje prije pitanja, koja je glasila Prijedlog Odluke o utvrđivanju prosječne konačne građevinske cijene m² korisne stambene površine na području Grada Zavidovići za 2025. godinu. Gdje je u jednom momentu kolega vijećnik iznio netačne informacije, odnosno lažne informacije prema mojim kolegama vijećnicima, gdje je čak evo ja ću biti slobodan da kažem malo ružnim nastupom prema nama kazao da su određene stvari, evo konkretno prema meni da sam ja kupljen vijećnik i da sam ja korumpiran. Pošto se ja ne sjećam svih tih informacija pitanje za Stručnu službu Gradskog vijeća Zavidovići, da li možete da mi izdvojite tačku broj 5, audio i video snimak, naravno izvorni zapisnik pomenute tačke, te da li ja taj materijal mogu koristiti ukoliko dođe do sudskog procesa. Odgovor zahtijevam u pisanoj formi.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1182/25-AP-2 od 26.05.2025. godine): Članom 97. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), propisano je:

„Član 97.

Zapisnik potpisuju predsjedavajući, sekretar Vijeća i zapisničar.

O čuvanju izvornika zapisnika sa sjednica Vijeća stara se služba Vijeća.

Usvojeni zapisnik je javni dokument o radu Vijeća i isti je na raspolaganju za javni uvid u Stručnoj službi.

Svi tonski zapisi i zapisnici čuvaju se trajno u arhivi Vijeća, a dostupni su na uvid javnosti.

Sjednica Vijeća se snima tonski i videosnimkom, na način da se videosnimak objavljuje na platformi YouTube, da se dostavlja svakom vijećniku snimak (cd, usb, e-mail ili na neki drugi način), te da se videosnimak sjednice Vijeća prenosi uživo preko društvene mreže Facebook (live prijenos).“

Usvojeni zapisnik, tonski i videosnimak su javni dokumenti, čuvaju se trajno u arhivi Vijeća i dostupni su na uvid javnosti.

Stručna služba Gradskog vijeća može izdvojiti tačku broj 5, audio i video snimak i dostaviti izvorni zapisnik pomenute tačke, a isti se mogu koristiti ukoliko dođe do sudskog procesa.

9. DOPUNSKO VIJEĆNIČKO PITANJE VIJEĆNIKA IGORA ŠIMŠIĆA

Vijećnik Igor Šimšić: Nisam zadovoljan odgovorima, kratko ću prokomentarisati odgovore „...“, dopunu tražim za prvo pitanje. Da mi se dostavi osnov, iz Odluke o bezbjednosti i organizaciji saobraćaja na cestama Općine Zavidovići i da se dostavi i javnosti bude dostupan Pravilnik o postupku davanja na korištenje javnih parkirališta „...“ dopuna se dakle odnosi na da mi tačno navedete sadržinu na osnovu kojeg člana na osnovu kojeg je omogućeno korištenje ovih parking prostora. Druga dopuna se odnosi na tablu odnosno signalizaciju obavještenja

koje nije u skladu sa navedenim sadržajem koji ste u odgovoru naveli, a tiče se ko može da koristi navedeno parkiralište na predmetnoj lokaciji. Korisnik je samo jedan subjekt na tabli obavještenja, a ovdje u sadržaju ima ih više.

Drugo pitanje samo ću prokomentarisati i tražiti dopunu, da li se u Odluci o davanju saglasnosti na nadzidavanje zgrade Stare općine, dobio sam odgovor i tražim dopunu, da li će u narednom periodu da se ponovi Javni poziv za ovu predmetnu stvar, ako neće da se navede u odgovoru ili neće ili ne planira se u narednom periodu.

Treće vijećničko pitanje, odgovorom nisam zadovoljan i tražim dopunu. Odnosi se na izradu Programa uređenja građevinskog zemljišta, u odgovoru je navedeno sljedeće : „...“, ne mogu da vjerujem da je ovakav odgovor stigao na vijećničko pitanje i u dopuni tražim jasno, decidno datovanje završetka predviđenih aktivnosti koje kažete i koje navodite da radite, s obzirom na praksu i dinamiku rada ovdje, neophodno je informisanje nas vijećnika i javnosti. Hvala.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-257/25 od 26.05.2025. godine): U Odgovoru na vijećničko pitanje vijećnika u Gradskom vijeću Šimšić Igora, dostavljenom na 6. sjednici Gradskog vijeća, koja je održana dana 30.04.2025. godine, naveden je pravni osnov za korištenje parking prostora na parkiralištu između salona namještaja i ulice „Mehmed-paše Sokolovića“, do realizacije Regulacionog plana „Centar 1“, prvi red parkirališnih mjesta na drugom nivou parkirališta posmatrajući prema zgradi Gradske uprave Zavidovići od strane zaposlenika Gradske uprave, Porezne ispostave Zavidovići, MUP-a ZDK, Policijske uprave Zavidovići u toku radnog vremena.

Odlukom o bezbjednosti i organizaciji saobraćaja na cestama Općine Zavidovići („Službeni glasnik Općine Zavidovići“, broj: 10/21) i Pravilnikom o postupku davanja na korištenje javnih parkirališta („Službeni glasnik Općine Zavidovići“, broj: 5/10, 8/11, 10/11 i 8/15) jasno je definisan pojam i vrste parkirališta, postupak dodjele parkirališta na korištenje, te pravo korištenja parkirališta.

Pravilnikom o dopunama Pravilnika o postupku davanja na korištenje javnih parkirališta („Službeni glasnik Općine Zavidovići“, broj: 8/11) u članu 5. stav (1) određeno je:

„Član 18. mijenja se i glasi: „Na parkiralištu iz člana 3. stav (1) alineja I ovog Pravilnika, prvi red parkirališnih mjesta na drugom nivou parkirališta posmatrajući prema zgradi Općine Zavidovići, rezervisan je za parkiranje vozila zaposlenih Općine Zavidovići, Porezne ispostave Zavidovići, Ministarstva unutrašnjih poslova ZDK, Policijske uprave Zavidovići bez plaćanja naknade za parkiranje. Davalac usluga parkiranja je dužan na zahtjev Općine Zavidovići obezbijediti parkiranje za vozila zvaničnih delegacija u posjeti, vladinih i međunarodnih organizacija bez plaćanja naknade.“

Na službenoj web stranici Grada Zavidovići objavljeni su Službeni glasnici u kojima se nalaze naprijed navedeni propisi i isti su dostupni javnosti.

10. DOPUNSKO VIJEĆNIČKO PITANJE VIJEĆNICE AMRE JUPIĆ

Vijećnica Amra Jupić: Nisam zadovoljna imam dopunsko. Mene interesuje zašto mi nadležne gradske službe nisu odgovorile da li su za rješenje ovog problema išta uradili da se sankcionišu svi oni koji ulaze u prostor industrijske zone, i tako pokazuju nebrigu što sam ja navela na prošloj sjednici, ako se sjećate, nebrigu vezano za sve naše investitore i za sve one ljude koji imaju svoje objekte u industrijskog zoni. Želim da mi se odgovori u pisanoj formi da li je iko od nadležnih inspeksijskih službi uradio išta po ovom pitanju.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-22/25-AP-82 od 29.05.2025. godine): U vezi sa dopunskim pitanjem vijećnice Amre Jupiće, a u skladu sa svojom nadležnošću Služba za upravu poljoprivrede, vodoprivrede i komunalnih poslova, dostavila je Urgenciju JKP „Radnik“ d.o.o. Zavidovići, broj: 08-45-22/25-AP-77 od 19.05.2025. godine, koju Vam dostavljamo u prilogu odgovora na vijećničko pitanje. Imajući u vidu da u zadanom roku JKP „Radnik“ d.o.o. Zavidovići nije dostavilo odgovor na Urgenciju, broj: 08-45-22/25-AP-77 od 19.05.2025. godine Služba za upravu poljoprivrede, vodoprivrede i komunalnih poslova će nakon dostavljanja istog uputiti odgovor na dopunsko pitanje vijećnice Amre Jupiće.

S poštovanjem

Dostavljeno:

1. Naslovu,
2. U spis.

Akt pripremio: 
(Nermin Čahtarević)



GRADONAČELNICA

mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Broj: 02-45-3/24-AP-135
Datum: 26.12.2024. god.



JP CESTE FBiH d.o.o. Sarajevo
Terezija 54
71000 SARAJEVO

Predmet: Zahtjev, dostavlja se

Molimo Vas da prilikom usvajanja Plana rekonstrukcije i modernizacije magistralni cesta u FBiH za 2025. godinu, uvrstite i izgradnju raskrsnice sa kružnim tokom saobraćaja u Zavidovićima, tačnije na lokaciji u ulici Dr. Pinkasa Bandta, gdje se ukrštaju magistralna cesta M17.1. i regionalna cesta R-465 Zavidovići-Maglaj, i krak ulice Dr. Pinkasa Bandta.

Na postojećoj raskrsnici, svakodnevno imamo problem sa regulacijom saobraćaja, zbog velikog broja vozila koja stvaraju zagušenje i gužve u saobraćaju, takođe regulacija saobraćaja za kretanje pješaka je gotovo nemoguća što ugrožava njihovu sigurnost.

Dana 24.05.2022. godine na predmetnoj raskrsnici dogodila se saobraćajna nezgoda koja je imala za posljedicu smrt pješaka, dok se svakodnevno događaju saobraćajne nezgode sa matrijalnom štetom.

~~Sama izgradnja raskrsnice sa kružnom regulacijom saobraćaja na naprijed pomenutoj lokaciji, trebala bi riješiti problem čestih saobraćajnih gužvi na ovoj raskrsnici u centru grada, i problem ulaska u Grad Zavidoviće iz pravca Banovića i Olova, takođe i iz pravca Maglaja.~~

Sve poslove koje budedete vršili vezano za izgradnju raskrsnice u ulici Dr. Pinkasa Bandta, molimo Vas da pored Grada Zavidovića, kontaktirate i Direkciju za ceste Zeničko-dobojskog kantona, koja je provodila aktivnosti na izgradnji kružnog toka do prekatégorizacije ceste.

S poštovanjem !

Obradio:


Dženan Starčević dipl.ing.saob. i kom.

Dostavljeno:

1. Naslovu
2. a/a

GRADONAČELNICA

mr.iur. Erna Merdić Smailhodžić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-45-3/24-AP-135
Datum: 20.02.2025. godine

JP CESTE FBiH d.o.o. Sarajevo
Terezija 54
71000 SARAJEVO

PREDMET: Dopuna zahtjeva, dostavlja se

Dana 19.02.2025. godine Gradu Zavidovići dostavljena je Informacija od Policijske stanice Zavidovići o broju saobraćajnih nezgoda u ulici „Dr. Pinkasa Bandta“, istu Vam dostavljamo kao dopunu zahtjeva broj: 02-45-3/24-AP-135, od dana 26.12.2024. godine.

Uzimajući u obzir da navedena ulica i raskrsnica gdje se ukrštaju magistralna cesta M17.1., regionalna cesta R-465 Zavidovići-Maglaj, i krak ulice Dr. Pinkasa Bandta (raskrsnica Krivaja), pripadaju magistralnoj cesti M17.1., prosljeđujemo Vam informaciju o broju saobraćajnih nezgoda koje su evidentirane od pripadnika Policijske stanice Zavidovići, te budući da se zaista radi o velikom broju saobraćajnih nezgoda molimo Vas da rekonstrukciju predmetne raskrsnice prioritarno uključite u vaše planove.

S poštovanjem.

~~PO RJEŠENJU GRADONAČELNICE~~

Broj:02-04-3/25-AP-2 od 03.01.2025. godine

SEKRETAR GRADSKOG ORGANA

DRŽAVNE SLUŽBE

Nermin Čahtarević, dipl. pravnik

Prilog:

-Informacija broj:08-02-10/1-03-5-925/25

Dostavljeno:

1. Naslovu
2. U spis.

Akt pripremio: Dženan Starčević dipl.ing.saob. i kom.
Akt pregledao: Almir Mustafić dipl. ecc
Akt pogledala: mr.sci. Džeraldina Miličević
Akt pregledao: Nermin Čahtarević dipl.pravnik

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
ZENICA
UPRAVA POLICIJE
PU III
POLICIJSKA STANICA ZAVIDOVIĆI



PREDAO

190277

190277

169
Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF INTERNAL AFFAIRS
ZENICA
ADMINISTRATION OF POLICE
PA III
POLICE STATION ZAVIDOVIĆI

Broj: 08-02-10/1-03-5-925/25

Dana: 18.02.2025. godine

GRAD ZAVIDOVIĆI
Služba za upravu privrede, lokalni razvoj,
infrastrukturu i međunarodnu saradnju

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno	10-07-2025
Org. red	03
Org. broj	
Red. broj	

PREDMET: Informacija o broju saobraćajnih nezgoda, dostavlja se

VEZA: Vaš akt broj: 03-45-9-78/25 od 12.02.2025. godine

U vezi vašeg akta broj i datum veze, a nakon izvršenog uvida u raspoloživim evidencijama ove PS, dostavljamo Vam podatak o broju i posljedicama saobraćajnih nezgoda koje su se dogodile u ulici dr. Pinkasa Bandta, grad Zavidovići, u toku 2022., 2023. i 2024. godine i to kakao slijedi:

- ukupan broj saobraćajnih nezgoda: 28
- saobraćajne nezgode sa smrtno stradalim licem: 1 (1 lice smrtno stradalo)
- saobraćajne nezgode sa teškim tjelesnim povredama: 2 (2 lica teže povrijeđeno)
- saobraćajne nezgode sa lakim tjelesnim povredama: 11 (15 lica lakše povrijeđeno)
- saobraćajne nezgode sa materijalnom štetom: 14

Pored toga, obavještavamo Vas da se u izvještajnom periodu, u navedenoj ulici dogodilo i 37 saobraćajne nezgode u kojima su učesnici popunili i potpisali Evropski izvještaj o saobraćajnoj nezgodi.

S poštovanjem

Dostavljeno:

1x - naslovu

1x - a/a

KOMANDIR POLICIJSKE STANICE
Samostalni inspektor
Nermin Merdanović



[Handwritten signature]



Safvet bega Bašagića, Tel. 032/879-111,
www.mupzdk.gov.ba
E-mail: mupzdk@mupzdk.gov.ba

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-45-3/24-AP-135
Datum: 14.03.2025. godine

JP CESTE FBiH d.o.o. Sarajevo
Terezija 54
71000 SARAJEVO

Veza: Vaš broj:01-02.2-183-1/25-LH od 27.02.2025. godine

PREDMET: Dostavljanje dokumentacije na postupanje, dostavlja se

Dana 14.03.2025. godine Gradu Zavidovići dostavljena je dokumentacija vezana za izgradnju raskrsnice gdje se ukrštaju magistralna cesta M17.1., regionalna cesta R-465 Zavidovići-Maglaj, i krak ulice Dr. Pinkasa Bandta (raskrsnica Krivaja).

Dokumentacija koja je dostavljena Gradu Zavidovića od Kantonalne direkcije cesta Zeničko-dobojskog kantona sadrži sljedeće dokumente: Glavni projekta broj 028/17; Izvedbeni projekta broj 03-01/22-IZ i Reviziju projekta broj 418/2022, navedene dokumente dostavljamo Vama u originalnoj verziji na daljnje postupanje.

S poštovanjem.


Prilog:

- Glavni projekta broj 028/17
- Izvedbeni projekta broj 03-01/22-IZ
- Reviziju projekta broj 418/2022

Dostavljeno:

1. Naslovu
2. U spis.

Akt pripremio: Dženan Starić dipl.ing.saob. i kom.
Akt pregledao: Almir Mustafić dipl.ing.
Akt pregledao: Nermin Čahtarević dipl.pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravljanje poljoprivrede,
vodoprivrede i komunalnih poslova
Broj: 08-45-22/25-AP-77
Datum: 19. 5. 2025.. godine



JKP "RADNIK" d.o.o.
Ul. Podubravlje br. 3

ZAVIDOVIĆI

PREDMET: Urgencija, dostavlja se

Službi za upravljanje poljoprivrede, vodoprivrede i komunalnih poslova dostavljena su na odgovor 2 vijećnička pitanja vijećnica Amre Jupić i Amire Hadžić koja su postavljena na 5. sjednici Gradskog vijeća koja je održana 25.03.2025. godine. Obzirom da se ista odnose i na rad JKP „Radnik“ ova Služba je dopisom broj: 08-45-22/25-AP-67 od 16.04.2025. godine tražila da dostavite između ostalog i kopiju Rješenja o zabrani rada deponije i njenom zatvaranju te da li je bilo umanjenja računa za korisnike u periodu kada nije bilo isporuke toplotne energije te ako nije da navedete razloge zbog kojih nisu umanjivani računi te da se po drugom vijećničkom pitanju izjasne Skupština i Nadzorni odbor JKP Radnik


Na osnovu navedenog, a kako u ostavljenom roku niste dostavili tražene podatke, potrebno je da što hitnije, a najdalje u roku 2 (dva) dana dostavite izjašnjenje po gore navedenom dopisu.

Dostavljeno:

1. Naslovu,
2. U spis.

Akt pripremio:

(Almir Čosić)



POMOĆNIK GRADONAČELNICE

Idriz Alihodžić, prof.

poslato: 21.05.25